

著 師 法 閑 諦  
門 法 密 羅 波 六

---

書 叢 小 學 佛

---

行 印 局 書 學 佛 海 上

小佛  
叢書

# 六波羅密法門

老觀宗諦閑講後述記

夫自未得度。先度人者。菩薩發心。自覺已圓。能覺他者。如來應世。我雖未度。願度末劫一切衆生。此阿難尊者悟道後發願語也。當此天災人禍。民不聊生之時。我輩應知。天本不災人。乃人自災耳。天亦不禍人。唯人自禍耳。夫天有好生之德。豈肯災人。人之初性本善。亦無禍事。都是自業所招。循業發現之故耳。所以仲尼云。不怨天。不尤人。下學而上達。近來春雨綿綿。若不及時懺悔。難

免災殃。況聞兵災復發。將何以堪。是以本社諸大居士。發心啓建  
金光明法會。爲消災息禍起見。仗佛慈攝受。雨歇雲開。得覩天日。  
具見感應道交。願不虛發也。所言六度波羅密者。一檀那波羅密。  
二尸羅波羅密。三羼提波羅密。四毗離耶波羅密。五禪那波羅密。  
六般若波羅密。須知先有四無量心。然後方云六波羅密。何名四  
無量心。卽是大慈心。大悲心。大喜心。大捨心。此四種心。譬如一艘  
大艇。卽所謂普度慈航。六波羅密。卽慈航中之器具也。菩薩修此  
六種法門。名爲六度。梵語檀那。華言布施。梵語尸羅。華言持戒。梵  
語羼提。華言忍辱。梵語毗離耶。華言精進。梵語禪那。華言靜慮。卽

是大定。梵語般若。華言智慧。梵語波羅密。華言彼岸。到。又云到彼岸。菩薩居凡夫地上。名爲在生死此岸。因修此六度。度過惱煩中流。能達到涅槃彼岸。凡修此六種。究竟圓滿。乃稱之爲波羅密也。此六種法門。必從四心中流出。故於六波羅密已前。先有四無量心。有四無量心。始能建立四弘誓願。四弘誓願者。一衆生無邊誓願度。二煩惱無盡誓願斷。三法門無量誓願學。四佛道無上誓願成。依四弘誓願。纔能修行六波羅密也。第一檀那。言布施者。布施有三。一財施。二法施。三無畏施。一財施有二。一外財。所謂捨國城妻子象馬七珍。飲食衣服。臥具湯藥。上供諸佛。中奉聖賢。下施鰥

寡孤獨。乞丐貧人。乃至一香一華。一衣一食。一椽一瓦。一錢一分。皆外財也。二內財。所謂捨頭目髓腦。肢節手足。以及替人排解息諍。善言勸諭。一言一語。使人息怒生歡。皆內財也。或親自施。或勸人施。使人離苦得樂。其功一也。二法施亦二。一小乘法施。教他知苦斷集。慕滅修道。或教修四念處。所謂觀身不淨。觀受是苦。觀心無常。觀法無我。此從苦諦一門而入。爲自己了生脫死耳。二大乘法施。卽依諸大乘經。或教修止觀。或教其念佛。自度度人。或興崇三寶。建立法幢。宏宗演教。廣化有情。乃至爲人演說一偈一句。皆名法施也。三無畏施。此一種。卽在前二施中。謂貧窮困苦。時生畏

懼。施其財。則無困苦之畏。是故施財。卽施無畏也。人在生老病死之中。常有死病之畏。以聞法。能了脫生死。是故施法。卽施無畏也。第二尸羅。言持戒者。有在家男女之三皈五戒。出家沙彌十戒。比丘二百五十戒。比丘尼三百四十八戒。菩薩十重四十八輕戒。又名爲三聚淨戒。何爲三聚呢。一者攝律儀戒。無惡不斷也。二者攝善法戒。無善不修也。三者饒益有情戒。無衆生不度也。第三羼提。言忍辱者。謂忍是能忍之心。辱是所忍之境。故曰忍字。心上一把刀。爲人不忍禍便招。如能忍得片時力。過後始知忍爲高。人有一忍。百事能成。夫忍有四種不同。一者伏忍。吾儕居凡夫地上。通身

煩惱。觸境生情。遇順境卽生歡喜。逆境卽生瞋怒。逆境麤。尙易制。順境細。最難防。修忍辱行。逆境易。順境難。遇逆境。生苦受。順境。生樂受。苦受。是苦苦。樂受。是壞苦。不苦不樂受。是行苦。三受生三苦。故知逆順中庸三境。皆辱也。何獨逆境是辱哉。人若不肯忍。則百事俱不能成。嗚呼。忍之一字。大而不可當也。言伏忍者。謂初心學道。先須調伏其心。勉強收攝。卽是修忍之初步功夫。心能調伏。遇境逢緣。始有觀覺。不惟逆境能忍。順境亦能忍矣。二者柔順忍。此從第一忍來。以調伏既久。熟能生巧。遇境逢緣。不須勉強制伏。自然能忍。故經云。住忍辱地。柔和善順。事亦不暴。心亦不驚。卽此之

謂也。三者無生忍。此忍聖位中人。以其了達一切諸法。本自不生。無生可忍。法亦不生。無法可忍。忍有情境。爲生忍。忍無情境。爲法忍。先須了解情與非情。皆是緣生。緣生無性。當體卽空。然後於此無性法中。忍可於心。忘心默契。親證無生。故得無生法忍。乃爲法身大士也。四者寂滅忍。此忍是果位聖人之功夫。以其五住究盡。二死永亡。證到本來寂滅之故。鄉田地。謂本來寂滅。非有以滅而滅之。乃稱之爲寂然不動。則一寂滅。一切俱寂滅。不須離有。而有本寂滅。也不須離空。而空本寂滅也。不須離近。二邊本寂滅也。不須入中。而中本寂滅也。如是則安往而非寂滅哉。故爲寂滅忍。亦



卽那伽定。故曰那伽常在定。無有不定時。卽此之謂也。第四毗離耶。言精進者。謂純一無雜。謂之精。鼓勇直前。謂之進。既有其始。必成其終。乃稱精進。亦有二種不同。一事。二理。事者。無論世間事業。出世間事業。大者固然爲難。小者亦非容易。營辦之事。不計時年。以圓滿成就爲目的地。不成不罷。乃名爲事精進也。故有菩薩名常精進。有不休息。此二大士。名雖異。其旨同也。理者。前言事。指身言。今謂理。指心言。衆生生滅安心。乃屬事。不得稱理。理者。不生不滅心也。理本無始無終。亦能成始成終。是故衆生之心。一念起。則全真成妄。亦卽全理成事。一念寂。則全妄卽真。亦卽全事成理。今

謂理精進者。卽指全眞成妄。全妄卽眞之心。營辦自利利他之事。當以不生滅心爲本修因。不計時劫。不顧生命。以圓滿成就無上菩提爲目的地。不成不休。不生一念退轉之心。是爲理精進也。第五禪那。言思惟修者。有世間禪。有出世間禪。有出世間上上禪。皆名如來禪。復有一種祖師禪。但明祖師西來大意。是般若波羅密所收。非此中意。今謂禪那者。有小乘禪。卽指五停心。四念處觀是也。言五停者。以凡夫具諸煩惱。心多散動。若要習定。必先調停其心。心停之後。始能習定。故曰停心觀。謂多貪衆生不淨觀。多瞋衆生慈悲觀。多癡衆生因緣觀。多散衆生數息觀。多障衆生念佛觀。

言四念處者。念是能觀心。處是所觀境。所觀之境有四。一觀身不淨。二觀受是苦。三觀心無常。四觀法無我。所觀雖四。能觀唯一也。此爲鈍根人。設別念處觀。若利根人。有一種總念處觀。謂觀身不淨。受心法皆不淨。觀受是苦。身心法皆苦。觀心無常。身受法皆無常。觀法無我。身受心皆無我。復有八背捨。九勝處。十一切處。皆小乘也。禪無大小。以根緣不同故。二出世間禪。卽次第三觀。先修從假入空觀。次修從空入假觀。亦名二諦觀。亦名平等觀。後雙離空假。以修中道第一義觀。初觀名眞諦三昧。次觀名俗諦三昧。後觀名中諦三昧。又初觀名奢摩他。次觀名三摩鉢底。後觀名禪那。三

出世上上禪。簡言之。卽一心三觀。觀一境三諦。先須了解世出世間一切諸法。隨拈一法。無不卽空。卽假。卽中。卽空。是真諦。卽假。是俗諦。卽中。是中諦。一境既具三諦。是故三觀卽是一心。又卽空名妙奢摩他。卽假名妙三摩。卽中名妙禪那也。阿難尊者。請十方如來。得成菩提妙奢摩他。三摩禪那。卽是請出世間之上上禪也。第六般若名智慧者。般若尊重。智慧輕薄。爲尊重故。所以不翻。乃五不翻之一也。般若有三。一文字般若。二觀照般若。三實相般若。一切經律論。若題若文。從始至終。一部一卷。一品一篇。一偈一句。凡是名言。皆是文字般若。文下所詮之理。名爲實相般若。依文解理。

依理起行。行是觀照般若。所以道。依文字般若。悟實相般若。依實相般若。起觀照般若。依觀照般若。證實相般若。以三般若。成三諦智。文字般若。若俗諦智。亦卽道種智。觀照般若。若真諦智。亦卽一切智。實相般若。若中諦智。亦卽一切種智。所言祖師禪者。乃般若波羅密中所收。所以祖師貴於悟。不貴於修。必先悟。然後方許修。悟後之修。名爲真修。未悟以前。但名緣修。宗下斥爲盲修。以未開智眼。故也是。故修一心三觀。必先開圓頓解。否則境非三諦。觀不一心。步步踏不着。口口咬不着。所以道。邪人說正法。正法亦是邪。正人說邪法。邪法亦成正。足證在人。不在法耳。所以修六度行人。有四種。

不同。一藏教人修事六度。從有門而入。二通教人修理六度。從空門而入。三別教人修事理無礙六度。從亦有亦空門而入。四圓教人修事事無礙六度。從非有非空門而入。言有門之事六度者。若行施時。盡命傾財。一切不顧。持戒時。身心俱潔。淨若冰霜。修忍時。耐氣吞聲。不萌瞋念。精進時。鼓勇直前。始終如一。習禪時。息滅思慮。身杌心灰。學慧時。心若湛水。淨極光通。言空門之理六度者。於一一度。皆三輪體空。若行施時。外不見有所施物。內不覺有能施心。於求施人。一律平等。無黨無偏。餘五例。知言雙亦門事理無礙者。此是出世大士。心量寬廓。一一度事。皆無量相。理本無量。故得。

事亦無量。言雙非門。事事無礙者。修一一度。圓融自在。全理成事。全事卽理。故能於一毫端。現寶王刹。坐微塵裏。轉大法輪。菩薩在因。修之名爲六度。以六度而度六蔽衆生。故曰布施度慳貪。持戒度毀犯。忍辱度瞋恚。精進度懈怠。禪定度散亂。智慧度愚癡。六度因圓。凡事究竟。至佛果地。證究竟覺。乃稱波羅密也。然則圓滿之言。唯事六度有之。餘三六度。皆如無盡藏。無圓滿期。故地藏願云。衆生度盡。方證菩提。普賢願王云。虛空界盡。衆生界盡。衆生業盡。衆生煩惱盡。我願乃盡。而衆生界乃至煩惱。無有盡故。我此大願。終無有盡。願無盡故。行亦無盡。故知六波羅密。皆無盡藏也。言事

六度圓滿相者。如尸毗王以身代鴿。名施度滿相。卽檀波羅密。普明王捨國就死。名戒度滿相。卽尸羅波羅密。忍辱仙人。被歌利王割截身體。心無瞋恨。名忍度滿相。卽羼提波羅密。天施太子。杼海不得如意。寶珠不休。名進度滿相。卽毗離耶波羅密。尙闍黎入定。鳥雀謂爲非人。作巢其頂。生子乳雛。任其翅翮成就。飛鳥出巢。方敢起定。名禪度滿相。卽禪那波羅密。劬賓大臣。分閻浮提。先分七大分。然後以七七小分。而分之以息。諸國之諍。名智度滿相。卽般若波羅密。因緣出賢愚經。度明六度滿足行相。事迹甚詳。須者檢之。今朝。釋尊聖旦良辰。金光明法會告圓。本社諸善士。乞講六



波羅密果地功夫。以作紀念。其本旨大意。希望現前緇素男女。同  
趁六度慈航。同度六蔽中流。同到六波羅密彼岸。入諸佛法會。非  
生現生。爲度衆生。非滅現滅。亦度衆生。衆生界盡。方證菩提。諸佛  
如是。我亦如是。普願大衆。各皆如是。

佛學小叢書

六波羅密法門

全一冊

佛曆二九六〇年一月初版

◎每冊定價大洋叁分

(外埠酌加郵費)

演述者 兼行者 印刷者 發行處 分銷處

諦閑法師

上海膠州路七號  
佛學書局  
電話三五五二四

國光印書局

(一)上海滬西：麥特赫司脫路  
上海佛學書局

(二)上海開北：新民路國慶路  
(三)湖南長沙：玉泉街七十號

各埠佛學書局  
佛經流通處

2  
006277  
4

2

006277

